

## BASES DO DESFILE DE COMPARSAS ENTROIDO 2020

**O Concello de Ponteareas, no seu afán por fomentar e preservar os nosos sinais de identidade, convoca a participación no entroido 2020 atendendo as seguintes bases:**

1.- Poderán participar neste desfile todas as asociacións culturais, deportivas, etc. así como todos os grupos ou colectivos legalmente constituídos interesados en participar e divertirse nas festas do Entroido.

2.- As asociacións e colectivos interesados en participar terán que presentar unha solicitude través da **Sede Electrónica, ou a través do rexistro de entrada do Concello de Ponteareas**, segundo corresponda, coa a seguinte documentación:

- Anexo 1.- Solicitude debidamente cuberta
- Fotocopia do CIF do colectivo
- Fotocopia do DNI do representante da entidade solicitante
- Anexo 2.- Certificado acreditativo da representación da entidade
- Anexo 3.- Listado de participantes na comparsa
- Anexo 4.- Autorizacións asinadas polos titores legais dos menores de idade para que poidan participar nas carrozas e poidan aparecer nas fotografías e videos
- Anexo 5.- Autorización para que o Concello comprobe se o beneficiario se atopa ao corrente das obrigas tributarias coas administracións estatal, autonómica e local e coa Seguridade Social. Se non presentan a autorización asinada deben presentar os certificados no momento da solicitude e volver a presentalos de xeito inexcusable no momento en que se vaia a proceder ao pago
- Ficha de terceiros

É obrigatorio o uso dos formularios normativos, que estarán a disposición dos interesados na web do Concello <https://ponteareas.gal/> e a través dos enderezos electronicos dos departamentos de eventos e cultura dirixíndose a:

[educacion@ponteareas.es](mailto:educacion@ponteareas.es) - 986640000

[departamentocultura@ponteareas.es](mailto:departamentocultura@ponteareas.es) - 986661674

Na solicitude debe figurar: Título da Comparsa ; Nome da asociación, comparsa ou agrupación e o CIF da mesma; Título ou emblema da comparsa (obrigatorio) ; Número de compoñentes ; Uso ou non de carroza ; Interpretación ou non de coplas ; Nome, DNI e teléfono da persoa representante da comparsa

3.- Establécese un límite **máximo de 15 comparsas** participantes. Os premios e axudas recollidas nestas bases, serán por un importe máximo



de 12.000,00 euros que se concederán con cargo a partida **33000/4802009** do orzamento municipal do ano 2020. A inscrición pecharase no momento de esgotar o orzamento asignado en función do número de participantes de cada comparsa.

4.- O prazo de inscrición comeza ao día seguinte da publicación no **Boletín Oficial da Provincia do extracto remitido pola Base de Datos Nacional de Subvencións (BDNS)** e finalizará o **13 de febreiro ás 13:59 horas**.

5.- En caso de rexistrarse máis comparsas que as fixadas, darase preferencia as do termo municipal de Pontearreas; e dentro destas as que veñan acompañadas de carroza.

6.- Cada comparsa deberá contar cun **mínimo de 25 participantes** para poder optar ás mencións e gratificacións en concepto de participación.

O Concello establece unha axuda por participación para cada comparsa, sempre que participe os tres días sinalados, o importe será en función do número de participantes:

Ata 30 membros..... 400,00 euros.

A partir de 31 membros se incentivará cada membro da comparsa con 10 €, cun máximo de 1500 euros. Computarán como participantes o conductor (1 persoa) e ata dous asistentes, sempre que vaian caracterizados acorde co tema da comparsa e estén anotados no listado de participantes indicando a súa función.

As cantidades percibidas estarán suxeitas as **retencións fiscais** que correspondan.

Todos os integrantes da comparsa deben facer o percorrido completo, e se xurde algún problema deberán comunicarllo á organización.

Os altavoces estarán dirixidos cara o interior da comparsa, e se fose requirido pola organización baixarán o volume da música.

O incumprimento das indicacións da organización suporá a retirada do desfile e deixará de precibir as axudas por participación facéndose constar as incidencias no informe que realizarán os traballadores municipais.

O **reconto** dos membros das comparsas fárase no momento da saída e tamén se repetirá ao longo do percorrido polos traballadores do departamento de cultura e eventos.

Cada comparsa deberá ter un **cartel identificativo**, visible, colocado no inicio da comparsa no que conste o nome da comparsa e o título ou emblema.

Os **vehículos a motor** deberán cumprir coa normativa vixente de circulación de vehículos pola vía pública e tanto os vehículos como as



carrozas deben cumprir coa normativa de seguridade aplicable e cos requisitos establecidos.

Non se permite a utilización de animais, petardos, bengalas e calquera outro elemento que poida ocasionar danos ao público e aos demais participantes.

Os altavoces das carrozas deben estar dirixidos cara o interior da comparsa e no caso de que o volume fose moi excesivo, a organización pode obrigar a comparsa para que o baixe.

7.- O órgano competente para a ordenación e instrucción será o departamento de eventos/cultura. Unha vez recibidas as solicitudes dende a concellería de eventos, o persoal municipal comprobará se as comparsas inscritas cumpren cos requisitos esixidos, e comunicaralles se están admitidos ou non

8.- O **xurado** estará integrado pola Concelleira de Eventos, que actuará como presidenta, tres persoas representantes de diferentes ámbitos económicos, sociais e culturais e un traballador ou traballadora do Departamento de Cultura / Eventos con voz e sen voto quen levantará acta da decisión do xurado.

9.- Outorgarase cinta ou diploma e trofeo as comparsas atendendo a: **orixinalidade, temática, vestiario, animación, coreografía, coplas, tradición, interacción co público, uso de materiais reciclados e ecolóxicos e a mellor carroza**

As coplas recitaranse ou cantaranse en lingua galega. Valorarase a métrica, rima, a ironía e retranca propias do entroido galego. Poderán ir acompañadas de instrumentos musicais. Se para as coplas se emprega unha música gravada, e por problemas técnicos non se pode reproducir, a organización declina toda responsabilidade.

O xurado valorará os diferentes aspectos dando unha puntuación do 1 ata o 5 e poderá declarar deserta calquera das anteriores mencións ou crear outras novas se o considera oportuno.

O fallo do xurado será inapelable e adoptarase por maioría simple.

10.-. Resolución. Unha vez visto o fallo do xurado, e visto o informe emitido polos traballadores do Concello, o Alcalde ou a persoa en quen él delegue resolverá sobre o resultado final do mesmo indicando as mencións e cantidades por participación que recibirá cada comparsa participante.

Así mesmo, devandito resultado publicarase nos mesmos medios antes expostos para o seu coñecemento.

11.- Os **días de desfile** fixados serán, o domingo 23 e o martes 25 de entroido e participarán o mércores 26 no enterro da sardiña. Para ter dereito ao cobro das cantidades fixadas por participar, cada comparsa



comprométese a asistir aos desfiles e actos programados o domingo, o martes de entroido e o mércores no enterro da sardiña.

O **cómputo de participantes** realizarase o domingo e o martes tanto ao principio como durante o desfile. O martes poderá reducirse o número de participantes de cada comparsa ata un máximo dun dez por cento. O mércores deberán participar no Enterro da sardiña como mínimo o vinte e cinco por cento de cada comparsa.

En caso de que as comparsas non acheguen ese mínimo de participantes descontaráselles un vinte e cinco por cento da asignación.

As comparsas que asistan ao desfile só o domingo ou o martes, unicamente percibirán **200 euros** en concepto de participación.

12.- Poderán interpretar as súas **coplas** nun escenario habilitado para estas actividades na Praza Maior. En función do número de comparsas e grupos inscritos, a organización poderá establecer un tempo máximo por comparsa para a interpretación das coplas.

13.- As comparsas participantes que procedan de fóra do casco urbano, terán que ter preparadas as carrozas ás **12:00 horas do día anterior** á celebración do primeiro desfile para facilitar o seu traslado dentro do término municipal.

En caso de mal tempo, a organización comunicará a decisión de suspender o desfile **dúas horas antes** da hora fixada de saída e comunicárase por washapp ao teléfono do representante que figure na solicitude presentada por rexistro de entrada, tamén se difundirá a través das redes sociais.

14.- A obtención das axudas económicas por participar no Desfile de Carrozas e Comparsas é **compatible** coa obtención de outras axudas ou subvencións para o mesmo fin.

15.- Calquera cuestión non contemplada nas presentes bases será resolta segundo o criterio da organización, sen que esta esté obrigada a comunicalo previamente.

16.- **A participación no desfile supón a aceptación das presentes bases.**

Ponteareas, asinado electrónicamente,

